

DULCE M^a GARCÍA MELLA, SECRETARIA XERAL DA UNIVERSIDADE DE SANTIAGO DE COMPOSTELA,

CERTIFICO que o Consello de Goberno na sesión ordinaria do día 30 de abril de 2025 aprobou a modificación do acordo do Consello de Goberno de 27 de maio de 2010 polo que se establecen os criterios de admisión nos estudos de grao por cambio de universidade ou de estudos universitarios, modificado por acordo do 10 de xuño de 2024, nos termos do documento adxunto.

E para que así conste, asino a presente certificación en Santiago de Compostela, co V^o e praxe do sr. reitor.

V^o e praxe

O reitor

Antonio López Díaz

Documento asinado dixitalmente conforme a Lei 39/2015 de 1 de outubro, do procedemento administrativo común das administracións públicas (BOE nº 236 do 2 de outubro de 2015).

ACORDO DO CONSELLO DE GOBERNO POLO QUE SE MODIFICA O ACORDO DO 27 DE MAIO DE 2010 POLO QUE SE ESTABLECEN OS CRITERIOS DE ADMISIÓN POR CAMBIO DE UNIVERSIDADE OU DE ESTUDOS UNIVERSITARIOS, MODIFICADO POR ACORDO DO 10 DE XUÑO DE 2024.

Por acordo do Consello de Goberno do 27 de maio de 2010 aprobáronse os criterios de admisión por cambio de universidade ou de estudos universitarios nos estudos de grao.

Co obxecto do establecer un sistema de prelacións por grupos de estudantes, o acordo antedito foi modificado por acordo do 10 de xuño de 2024, dando unha nova redacción ao criterio «TERCEIRO» do acordo de 2010, establecendo como criterio de ordenación a nota media do expediente académico expresada en base 10, á que se sumaría unha puntuación adicional no caso daqueles estudantes que teñan realizado as probas de acceso á universidade en Galicia. Estableceuse ademais, que finalizado o procedemento de ordenación, procedería outro de asignación de prazas no que se priorizaría a aqueles estudantes que solicitasen o traslado desde outra universidade pública do Sistema Universitario de Galicia.

En relación coa puntuación adicional antedita, o parágrafo 2, *in fine*, do criterio «TERCEIRO» do acordo de 2010, logo da modificación referida, prevé que:

«Adicionalmente, o estudantado que teña realizado as probas de acceso á universidade en Galicia e así o acredite, recibirá 0,5 puntos adicionais que se sumarán á nota media do expediente académico.

A puntuación final obtida, que determinará a ordenación das solicitudes en cada grupo, virá dada pola nota media do expediente académico á que se sumará, no seu caso, a puntuación adicional por ter realizado as probas de acceso á universidade en Galicia.»

Porén, o propósito da inclusión da puntuación adicional radicaba en primar o retorno dos estudantes que tiveran realizado a proba de acceso á Universidade nas universidades que conforman o Sistema Universitario de Galicia, que non accederan aos estudos da súa elección e se atopaban realizando estudos noutra comunidade autónoma.

Por todo o anterior, e en virtude da potestade estatutaria conferida, o Consello de Goberno da Universidade de Santiago de Compostela, na súa reunión do 30 de abril de 2025, acordou aprobar a seguinte modificación do acordo do Consello de Goberno do 27 de maio de 2010, modificado polo acordo do Consello de Goberno do 10 de xuño de 2024:

Único.- *Modificación do criterio TERCEIRO.*

O criterio TERCEIRO pasa a ter o contido que segue:

“TERCEIRO.- Continuación de estudos en graos con límite de prazas.

1. Para continuar estudos en titulacións de Grao o estudantado deberá ter recoñecidos como mínimo 30 ECTS na titulación na que solicite cursar estudos na Universidade de Santiago de Compostela .

2. No caso de titulacións con cota de prazas para traslados, a ordenación das solicitudes establecerase conforme á seguinte prelación:

Grupo I.

a) Se os estudos habilitan ou son condición necesaria para o exercicio dunha profesión regulada en España segundo as directrices do ministerio competente, terán preferencia aqueles estudantes procedentes de estudos de grao que habiliten ou sexan condición necesaria para o exercicio da mesma profesión que acrediten unha nota de admisión nos seus estudos de procedencia igual ou superior á nota de corte no curso inmediatamente anterior nos estudos da Universidade de Santiago de Compostela nos que solicitara ingresar, no cupo de admisión que lle tivera correspondido en función da súa vía de acceso.

b) Se os estudos de grao non habilitasen para ningunha profesión regulada, terán preferencia os estudantes procedentes de estudos de grao con competencias, resultados de aprendizaxe e contidos iguais ou similares aos expresados no plan formativo do grao, conforme determine, á vista das solicitudes, o centro responsable da titulación, cando acrediten unha nota de admisión nos seus estudos de procedencia igual ou superior á nota de corte no curso inmediatamente anterior nos estudos da Universidade de Santiago de Compostela nos que solicitara ingresar, no cupo de admisión que lle tivera correspondido en función da súa vía de acceso.

Grupo II.

Posteriormente, terán preferencia os estudantes procedentes de estudos de grao pertencentes ao mesmo ámbito de coñecemento que os estudos para os que se solicita admisión, cando acrediten unha nota de admisión nos seus estudos de procedencia igual ou superior á nota de corte no curso inmediatamente anterior nos estudos da Universidade de Santiago de Compostela nos que solicitara ingresar, no cupo de admisión que lle tivera correspondido en función da súa vía de acceso.

Grupo III.

Tras os estudantes que teñan preferencia de acordo cos dos dous criterios anteriores, poderán acceder aqueles estudantes que non acrediten unha nota igual ou superior á nota de corte no curso inmediatamente anterior nos estudos do mesmo ámbito de coñecemento da Universidade de Santiago de Compostela nos que solicitara ingresar, no cupo de admisión que lle tivera correspondido segundo a súa vía de acceso. Neste caso respectaranse tamén as prelacións establecidas nos criterios anteriores.

Grupo IV.

Tras os estudantes que teñan preferencia de acordo cos tres criterios anteriores, situaranse todos os estudantes procedentes de estudos de grao doutros ámbitos

de coñecemento que acrediten unha nota de admisión nos seus estudos de procedencia igual ou superior á nota de corte no curso inmediatamente anterior nos estudos da Universidade de Santiago de Compostela nos que solicitara ingresar, no cupo de admisión que lle tivera correspondido en función da súa vía de acceso.

Grupo V.

Finalmente, situaranse todos aqueles estudantes doutros ámbitos de coñecemento que non acrediten unha nota de admisión nos seus estudos de procedencia igual ou superior á nota de corte no curso inmediatamente anterior nos estudos da Universidade de Santiago de Compostela nos que solicitara ingresar, no cupo de admisión que lle tivera correspondido en función da súa vía de acceso

As notas de corte, xunto coas prazas ofertadas para traslado de expediente en cada estudo, publicaranse para cada curso académico nunha resolución da Xerencia.

As solicitudes do estudiantado ordenaranse en cada grupo pola nota media do expediente académico expresada en escala de 0 a 10. Adicionalmente, o estudiantado que teña realizado as probas de acceso á universidade nas universidades que conforman o Sistema Universitario de Galicia e así o acredite, recibirá 0,5 puntos adicionais que se sumarán á nota media do expediente académico.

A puntuación final obtida, que determinará a ordenación das solicitudes en cada grupo, virá dada pola nota media do expediente académico á que se sumará, no seu caso, a puntuación adicional por ter realizado as probas de acceso á universidade nas universidades que conforman o Sistema Universitario de Galicia.

Na asignación final das prazas, terán preferencia dentro de cada grupo no chamamento a ocupar as prazas ofertadas os solicitantes que acrediten proceder dunha universidade pública do Sistema Universitario de Galicia, ofertándose, en segundo lugar, as prazas vacantes a aqueles estudantes que soliciten o traslado desde outras universidades.

3. O estudiantado que teña cursado estudos na Universidade de Santiago de Compostela e trasladara o seu expediente a outra universidade, poderá reingresar directamente para continuar os estudos orixinais nos que estivese matriculado na Universidade de Santiago de Compostela, sempre que non incorra nalgún impedimento recollido normativa sobre permanencia para continuar neses estudos. No caso de tratarse dunha titulación con cota para traslados, non detraerán prazas das ofertadas polo centro.

Sinaturas dixitais / Firmas digitais / Digital signatures

Asinante/Firmante/Signer: ANTONIO LOPEZ DIAZ, REITOR, UNIVERSIDAD DE SANTIAGO DE COMPOSTELA, 08/05/2025 14:35:52.

Asinante/Firmante/Signer: DULCE MARIA GARCIA MELLA, SECRETARIA XERAL, UNIVERSIDAD DE SANTIAGO DE COMPOSTELA, 07/05/2025 12:11:24.

CSV: 9573-A00E-43B1-97CE